

اداره مخصوصه

درسعادتنده باب عالی جاده سنده

محل اداره :

مشرط القیم

۱۳۲۶

اخطار :

مسلكمزه موافق آثار جدیدہ مع المنوئیه
قبول اولنور
درج ابدلہ بن آثار اعادہ اولنار

دین، فلسفه، علوم، حقوق، ادبیاتدن و سیاسیاتدن وبالخاصه کړک سیاسی و کړک اجتماعی و مدنی احوال و شتون اسلامیه دن
بحث ایدر وهفته ده بردفعه نشر اولنور.

درسعادتنده نسخه سی ۵۰ پاره در

قیراه دن مقوا بورو ایله کوندریلیرسه سنوی
۲۰ غروش فضله آلنیر

درسعادتنده پوسته ایله کوندریلیرسه ولایات بدلی اخذ اولنور

صاحب و مؤسسلری :

ابوالعلا زین العابدین — ح. اشرف ادیب

تاریخ تأسیسی

۱۰ تموز ۳۲۴

آبونه بدلی

سنه الکی ۸۰
القی آیلنی ۴۰
غروش »

هر طرف ایچون

اوچنجی جلد

۲۴ شعبان ۳۲۷ پنجشنبه ۲۷ اغستوس ۳۲۵

عدد : ۵۳

متعاقب اطبانك توصیه‌سی اوزرینه تبدیل هوا ایچون بو مناسیره
کیدوب برقاج کیجه بوراده و برهفته ده شمدی ذکر ایدم جکم مقام
خضر علیه السلامه قالمشیدم . مناسترده بولندیغ ائشاده اردصره
[ارغنون] چالنیور ایدی . ارغنون بکا بشقه برهوا ایله ترنم ایدیور،
باشقه گفته لایله تکلم ایلیور ایدی . اقامم ثلاثه رینه بکا اندن بر آوازه
وحدت کلیور، وحده لاشریک له کلبسانکی ایله فریاد ایدیور ایدی .
عجزه مخلوقاته خاص اولان توالدک بدیع السماوات والارضه اسنادی
جلال اثار ربوبیتی کورمامکدن عبارت اولدیغنه دائر ارغنونک دخی
آریجه کوش هوشمه نفخ ایلدیکی منی حالا قلمده طنین انداز اولیور .

* *

الیاس علیه السلامک ولادتکاهی وانک الت طرفنده بی مشار
الیهک مدرسه‌سی زیارت ایتدکدن صکره جبلدن ایندک ودامن کوهده
واقع مقام خضره کیدوب بوراسنک ده زیارتیله تبرک ایلدک . بومقام
مبارک قیادن او یولمش کنیش برغارد . یاننده زوارک بیتوتلری ایچون
اوطه لرله بر مطبخی وار . هرکس مفروشات و ما کولاتی برلکده
کتورر، طعمانی کندی پیشورر . بوراسی هرکسه کشاده در . درون
مقامده بیتوت ایدر خدمه مقام یوقدر . جوار مقامده قبالک بغرنده
اویولمش و طاغدن اینن باران ایله طولار بر صهرنج وارد . اوستنده کی
اویوقدن کوندوزلری قیزغین کونشده باقراج ایله چکیلوب طیشاری به
چیقاریلنجه انعطاف شعاع شمس ایله پارل پارل پارلایان بوزکی صوی
حرارتدن یانان یورکلره تازه حیات ویرر . وادی ادبیات عثمانیه به هر
ایلک ادیم آتان شبان امده تلماق مترجم شهیرینک قالیسو جزیره
خیله‌سی حقنده کی توصیفی فصل ناقابل زوال بر تاثیر لطیف حصوله
کتورر ایسه بومقام کریم ایله قیانک بغرنده اویولمش اوصهرنجک
منظره‌سی ده بنده خیال لطافتی نابذیر زوال بر نشئه حاصل ایلمش
اولمغله هر یاده کلدکجه عین محظوظیت ایله کرکام تهیج ایدر . اکثر
مواسمه مقام شریف زواردن خالی دکادر . بز بولندیغمز زمان بر
یهودی عائله‌سی وار ایدی . بونلر کیجه لین تک تک ویا حله غارشریفه
کیروب تعبد ایدیورلردی . درون غارده کیجه لری بر قندیل یانار ،
قندیلک نشر ایتدیکی سونوک برضیایه غارک قاراکنی هجوم ایدیورمش
کی مخوف بر حال پیدا اولدیغندن انسانه خوف و دهشت مستولی
اولور . برکیجه برولوله ایشتنک ، سببی صوردد ، دیدیلرکه عائله مذکوره
طقوز اون یاشلارنده برقیز چوققلرینی تبرک ایچون غاره صوقق
ایستیورلرمش ، یچاره چوقق کیجه وقتی غارک مهابتندن اورکرک
فریاد و بکا ایله طیشاری فیلامق ایستدکجه ابوینی کندیسینی ایچرویه
ایتیورلرمش . بو حالدن پک متأثر اولدق .

« ربنا ولا تحملنا مالا طاقة لنا به »

بوتماشنا وزیارتلردن صکره ینه جفادن کروسه یه بنوب عکایه
عودت ایلدک .

* *

هیچ مثابه سنده در هر فرد کندی رأینده حردر . بن ذکر قاصرانه محبه
نسق واحد اوزرینه تربیه عمومیه خدمت اولنه مدینی تقدیره معارف
زده برچوق سنه دهالایقیله انتشار ایده مز . معارف انتشار ایده مینجه
مملکت مزده محتاج اولدیغمز آثار عمران و ترقیده کوریه میه جکدر .
حکومت عثمانیه نک بقاسی حسن اخلاق و خلوص عقیده به بوده
معارفک نسق واحد اوزرینه تعمیم و انتشارینه وابسته در .

الهای

تِلْخُجْجَاکْ

یادماضی

المان قریه‌سی کزدکدن صکره برکونده قالدق ، جبل کرملک
یوقاریسنه چیققدق . بو طاغک اتکند کیه لری سفائنه رهنا اولور . بر
فناز قله‌سی وارد . ذروه جبلدن بروبحری تماشایه قویلدق . بولندیغمز
نقطه بزه قوه فاطره نک آثار برجسته حسن و کمالی ارانه ایدیور
ایدی . امواج بحر بری بری آردنجه عظمت و اجلال ایله ساحله هجوم
ایدوب قیالره چارپدقن صکره ییغین ییغین پیدا اولان قارکی بی بیاض
کوپوکلریله تکرار کیری سوزیله رک دریایه طوغری کوزدن نهان
اولیور . ساعتلرجه مسافدن اوزایوب کلن اووه لر صانکه جبلک
عتبه فحامتته یوزلر سوریور . باد صبانک جلوه کاهی بولسان شو بقعه
شوق افزاده باصره کاه درملری تپه لری سیرایده ایده رنگ دلارام
کبود ایله ملون افقه قدر کتمسیله روحده نامتناهی برنشئه طوغری
کاه سمت بحره تحویل نگاه ایدوب ، سطح مائی اوزرنده خفیف بر
اهتزاز ایله پیدا اولان قبارجقلرک ضیای شمسدن پارلتیسی ایله بیاض
صرمه ایشلنمش برهوائی اطلسی اندیران دریادن ، انکیلره طوغری
اوزایه رق هرنه دنسه کوکل برحزن ورقته غرق اولیور .

تپه نک اوستنده هر طرفه حاکم یوکسک برنقطه ده الیاس علیه
السلامک ولادتکاهی دینیلن بر محل وار ، اوراسی زیارت ایتدک .
بورایه لاتینلر طرفدن جسم و رفیع بر مناستر انشا ایلدش . بومناستره
بر عهد قدیم موجبجه مسافر قبول اولنور . و آیندکان و روندکانه
ایکی اوچ کون قدر اطعام طعام ایدیور . مناسترک بیوک برکنیساسی
و کنیسانک اطرافده رهابینک بیتوتلری ایچون دائره و حجره لر وار .
مسافرلر ایچون درون کنیساسه کی یوکسک جناحدرده آریجه مدخللردن
کیریلور مخصوص محللر اولوب مسافرین اورالرده قوریل قاریوله لرده
یاتارلر و کندیلرینه اقشام صباح تازه بالق و سائرده دن عبارت برایی
قاب یلک چیقاریلور .

عکاده ایکن اوزون بر مدت طوطلدیغ ستمه خسته لکندن افاقتی

بزمجسندن درون قلعه‌یه چیققدن صکره قبریس وردوسده کی یاران و در سعادته کی اقربا و خلات ایله بالذات وبالواسطه مخبراته باشلادق ایشته او وقت ایدی که کال بکک لفقوشه‌یه کیده جک ایکن منفاسی ماغوسه‌یه تحویل ایدیلرک اوراده محبوس اولدیغنی ومدحت افندیله توفیق بک حقلرنده اولجه قلعه بندلک معامله سی ایدلمش اولدیغنی حالده اخیراً حبسه الفـ ایدلمش اولدقارینی عننه سیله اکلادق . بر مدت صکره دخی توفیق بکله مدحت افندیکن بولندقلری تنکنای اضطرابک تھملسوز شدائیدله خسته و بیتاب دوشدکلرینی متأسفانه استخبار ایلدک .

بواره لقی برذاتدن بر مکتوب الدم، دیگر برذاتک بزم علیهمزده مقاماته خطاباً بر عرضحال مسوده سنی محتوی ایدی . صاحب مکتوب بکا یازش ایدی که ملفوف مسوده‌یه سز معلومات الدقن صکره کال بکده معلومات ویرک، بنده اویله یایدم . کال بکدن شو جواب کلدی : « برادر

مکتوبکی آلام ملفوفاتی ده او قودم... ی سورم فقط یایغره جیدر . اودیدیکی ... بعض کره قولاً خیاتی ارتکاب ایده جک کبی کورینور . فقط ایتمز . قولمه دلیلر : ۱ - هانی عرضحالت صورتی ، ۲ - ... ک سزه [نوری بکله راقم الحروفدن عبارتدر] اولان مکتبر بلری جمادی الاخره ۱۴ تاریخلی ایدی بن بر مکتوبنی ادم که جمادی الاخره ۲۸ تاریخلی در . عرضحالت نه صورتی وار ، نه بحثی ، ۳ - ایده مزده ... بر سر واردر که نوری یه ، شمدی کنیدینه بغیر حق طارغین اولان ذاتک قوناغندن اینرکن سویلمشیدم ... ده اوایشی براز سیلور . یازسه عرضحالنده انی یازه جق . یازمش اولسه بوکون اک مقبلاردن بر بیوک ذاتک عزل و طردی لازم کلوردی ... »

کال مرحومک اومدافعه ایلدیکی ذات حقنده کی ملاحظاتی صکره لری بک دکشـش اولدیغنی اخیراً ابوالضیا مطبعه سنده طبع ونشر اولنان مکتوبلری مألندن اکلادم .

برکت زاده اسماعیل حق

بقیه سی وار

مباحثات :

رسم مصحف

مابعد

لکن رسم قدیم اوزره یازیلوب مواضع التباسی عند المتأخرین [۱] مستحسن کوریلان نقاط و حرکات و مدات و شدات ایله رفع [۱] عند المتأخرین قیدی ائمه حنفیه دن صدور ایدن اصل روایتدن احترازدر . چونکه مشار الیهم حضراتندن اصل روایتده مصحفده تعشیر [اون آیت منتهاسنده برعلامت وضع ایتک] فقط [اعراب] وعدد آیاتی ذکر وعلامات وقفی کتابت کبی زیاده لر کافه مکروه اولوب امیرالمؤمنین حضرت عثمان ابن عفان رضی الله عنه حضرتلرینک مصحفی طبقنجه نظم کلمات قرآنییه هروجهله صون و حفظ اییمک ایچون مصاحفی ذکر اولنان علاوه لر دن تجرید ولایق کورلمش ایدی فقط متأخرین ازمانک تغیری ایله احکامک تغیری منکر دکلدن قاعده فقهیه سنه مبنی مصحفده بوزیادانک جمله سنی زمانلری وزماننجه مستحسن کورمشلردر . درر شرح غرر و هدایه وهندیه کبی نیجه کتب معتبرده بویله جه مسطوردر

التباس ایدیلرک ضبط ممکن اولدیغنه مبنی متکاسلین و جاهلینک جهل و تکاسلرینه مماشات و مراعات ایچون رسم قرآنیده اسلافک اتخاذ ایتدیکی عادت قدیمه مشروعه یی ترک نابجا کورلمکده در .

چونکه عندالمحدثین حدیث موقوف و حسن اولمق اوزره قبول اولنان [تحقیق الله تعالی عبادینک کوکلرینه نظر ایدوب ذات پاک ایچون حضرت محمد صلی الله علیه وسلم افندمزی اختیار و آئی جمله انامه رسالت ایله بعث ایلدی . صکره عبادینک قلوبنه تکرار نظر ایدوب کندی ایچون اول ذات کریمک اصحابنی اختیار ایدوب آنلری دینک انصاری ونیسینک و زراسی قیلدی . ایدی اشیبو جماعت اسلامیه نک حسن کوردکلری شی عندالیهمده حسندر . مؤمنون مشار الیهمک قییح کوردکلری شی نزد حقده قییحدر ، مألنده کی حدیث مستنبط [عادت محکدر یعنی حکم شرعی یی اثبات ایچون عرف و عادت حکم قلنور] قاعده کلیه فقهیه سی موجبنجه مصحف عثمانی رسم و خطنده اسلافز بولنان صحابه کرامک اجماعیه مرعی عادت سنه لرینی اس میزان ورهبر رسم قرآن اتخاذ ایتک بزمعاشر اخلاف اوزرینه واجبدر . فصل مصحف عثمانی رسم و خطنه متابعت واجب اولمز که رسم و خط بین الاثمه تاقی بالقبول اولنوب مدار قراآت کندی اوزره اولان اوچ ارکاندن [۲] بریسیدر .

س - سابقا اشارت اولندیغنی وجه اوزره مصحف عثمانی صدر اولده اجماع صحابه ایله ترتیب و ترسیم اولنش ایدی . شو حاده عزبن عبدالسلامک [بعض مواقعده التباس خوفنه مبنی بوزمانده مصحفی مرسوم اول اوزره یازمق جائز دکلدن] کلامی اجماع مذ کوره مقابل و معارضدر مشار الیهم صدری مستبعددر .

ج - کتب تواریح واحادیثده بیان اولندیغنی اوزره حضرت عثمان ذی النورین جانب خلافتنا هیلرندن مأمور قلنان بر طاقم اصحاب کرام وظیفه مذ کوره یی ایفا و دیکلری سکوت ایتکله مصحف عثمانی ترتیب و ترسیمنده منعقد اولان اجماع ، اجماع سکوتیدر . اجماع سکوتیده ایسه علم اصولده تسطیر اولندیغنه بناء مشارالیه عزبن عبدالسلامک متبوعی بولنان امام شافعی حضرتلری سائر ائمه یه مخالفت ایدوب اجماع و حجت دکلدن دیمشدر . بناء علیه مشار الیهمک سالف الذکر قولی تقلید ایتدیکی امامنک اصولنه موافق اولمقله حرق اجماع عد اولنما مشدر .

س - مادامکه اجماع سکوتی ائمه ثلثیه کوره اجماع معتبر و حجت اولوب امام شافعی نزدنده حجت معتبره دکلدن مصحف عثمانی رسم و خطنه متابعتک وجوبنه دائر سابقاً اتقاندن نقل اولنان ائمه اربعه نک اتفاق خبری صحیح اولماق لازم کلزمی ؟

ج - خیر لازم کلز . زیرا متابعت مزبورده خصوصنده امام شافینک دلیلی اجماع اولنوب کتاب وسنتدن برشی اولمق احتمالی قویدر .

مثلاً مصحف لریمزده کی [سبحان الذی اسری] مصاحف عثمانیه ده [سبحن الذی اسری] رسمی اوزره در حانک اوستنه